



## WEEK 3: Die kruis en skoon voete Johannes 13

### Inleiding

*"We are here to give back fully and freely what was first given to us."*

(Richard Rohr, in *Falling Upward*, p xi)

Wat is daar wat jy al verniet by Jesus gekry het?

### Agtergrond

Jesus se uitdaging is baie duidelik dat as ons Hom wil volg, dat ons bereid sal moet wees om ons kruise te dra. En dit is nie 'n gemaklike opdrag nie, want Jesus dra sy kruis na Golgota toe waar Hy gespot is, verneder is, ervaar wat dit is om deur God en mense verlaat te word en uiteindelik dood gemaak te word.

**Lukas 9:23** "As iemand agter My aan wil kom (My wil volg), moet hy homself verloën, elke dag sy kruis opneem en My volg..."

### Skriflesing: Lees Johannes 13:1-17, 31-35

- ❖ Jesus is oppad na sy kruis toe en as Hy en sy dissipels die laaste keer by mekaar is, dan sê Johannes dat Jesus 2 goed weet. Wat is hierdie 2 goed in vers 1 en waarom dink julle is dit belangrik?

1.

2.

- Hoekom dink julle is dit so belangrik om te hoor dat Jesus ons tot die uiterste toe lief het?

*(Dit is die agtergrond, motivering waarteen Hy alles doen...)*

- Dit is baie belangrik om ook raak te sien dat Jesus hierdie verklaring maak terwyl Hy weet dat Judas Hom gaan verraai en Petrus Hom gaan verloën en die ander dissipels gaan weg-hardloop. Hy is klaar lief vir ons maak nie saak wat ons nie gaan regkry nie! Hy weet wie ons is. As ons dit nie verstaan nie, verstaan ons nie die kruis nie.

- ❖ Die beste bewys dat Jesus vir ons lief is, is dat Hy bereid is om ons te dien, om in hierdie konteks sy dissipels se voete te was v 4-5. **Waarom dink julle was dit so 'n powerful aksie?**

*(Voetewas was slawe se werk, dit is vuil en stink werk)*

❖ Voetewas is **vreemd vir ons tyd** en dit help miin ons was mekaar se voete as ons nie die betekenis daarvan verstaan nie. Jesus is nie bang om die minste te wees en nederig sy dissipels te dien nie. Hy was selfs Judas se voete! Ons moet die minste wees en sonder om te moan die nederige werk te doen en mekaar dien. **Hoe kan ons dit doen in die tyd wat ons leef (wees baie prakties)?**

❖ **Waarom dink julle skop Petrus vas toe Jesus sy voete wil was (v 6-10)?** *Onthou voetwas is ook 'n dieper teken van 'n dieper, innerlike skoonmaak, of in ander woorde vergiffenis...*

- As jy nie Jesus toelaat om jou te was, te vergewe, skoon te maak nie, het die kruis min waarde en is jy in die moeilikheid. Hoekom aanvaar ons Jesus se vergiffenis so moeilik?

❖ **Watter uitdaging is in hierdie gedeelte vir ons?**

- **v 8**
- **v 14-15**
- **v 34-35**

**Bottomline: Ons moet 'n ander gesindheid en ingesteldheid hê. Die manier wat oons mekaar hanteer wys of ons verstaan wat Jesus vir ons gedoen het.**

### **Ons uitdaging is: (works)**

- i. Hoe gaan julle mekaar dien, mekaar se voete was in hierdie week?
- ii. Watter belofte uit hierdie gedeelte gaan jy hierdie week aan vashou?

### **Ons bid vir: (worship)**

1. Noem een saak uit hierdie gedeelte wat jy geleer het en wat jou die meeste challenge en vra die groep om vir jou daarvoor te bid.
2. Dank die Here vir sy voorbeeld en die uitdaging wat dit vir ons inhou, asook vir sy belofte dat Hy aan die kruis vir ons sterf.